

पुर्खा दयक तकगु सम्पति, भीगु कला व संस्कृति

पिकाक-ख्वप नगरपालिका



नेपाल संवत् १९३९ खिलाथ्व / २०७५ पुस १ / 2018 December / ल्या:३, दाँ: १

माओ त्से तुड

; DkfbSlo

गैरसरकारी संस्थाया छुपें जुयोच्चंह सरकार

भीगु देशद्वने गैरसरकारी (एनजीओ) व अन्तर्राष्ट्रिय गैरसरकारी संस्था (आइएनजीओ) त तस्क लिइमलाक जुयोच्चंगु दः। थी थी देया आर्थिक सहयोगया नामय ज्याभ्वः न्हायाकिपु उगु संस्था तयसं जात, धर्म व भाषाया लिइंसायथः कतया साम्प्रदायिक खाँहाड थःगु ज्या तप्यंक च्चंगु दः। तर सरकारके धःसा भीगु दे दुने गुलि अजगु एनजीओ, आइएनजीओत दः ? अमिसं गना गना छु छु ज्या याड च्चना ? दाँयदाँसं गुली धेबा खर्चयाड च्चना ? धाय्गु ल्या:चा हे मरु। अपु थः यस्त्वे याइपु अपारदर्शी दक कुखिड च्चंगु दः।

समाज कल्याण परिषद्या ल्या:चा: काथं आ.व. २०७४/७५ ख्य जक ७२३ गु (न्ह्यस व नीस्वंग) एनजीओ तयसं भीगु देशद् २० अर्ब स्वयो अप्वः खर्चयात। समाज कल्याण परिषद् ऐन २०४९ या नीति काथं अमिसं ज्या साने न्हयाँ स्वीकृति मकसी मगागु खः। सरकार अमिता चिय् मफबलय् अपु भन छाडा (छारुवा) ज्गु खः।

ओलीया कजिख्य दुईतिहाइ बहुमत दःगु नेकपा धःपिनिगु सरकार अः भीगु देशद् दः। २०४६ साल लिपा थुलि अःपुगु बहुमत गुगु नं पार्टी ह्य फःगु मरु। ओली सरकार (सह-गवाखल) सह-आयोजक जुयो राजधानी यैं विवादास्पद युनिभर्सल पिस फाउन्डेसनया ज्या भ्वः कवचाय्कल। थःगु हे ज्या भ्वः यैं याड सरकारं उकिया लागिं द दक्व संयन्त्र छ्यल। उगु ज्या भ्वः ख्य द्वतिकःवपु नेतात नपां प्रधानमन्त्री ओली स्वन्हृतक बालुवाटार त्वःत होटेले च्चन। माधव नेपाल थः हे मू पाहाँ थें च्चंक जुल। स्वनिगलय् पेन्हुतक जो, विजो नं. या गाडी त छन्ह आँतं च्ले याकेगु खाँ व्यःछित। तर जनतां तस्क विरोध यासेलिं सातिखुन्ह हे व खाँ लिताकाय्गुलि बाध्य जुल।

सन् १९९० पाखे सोभियत संघ मदयक कवचाथय्केगुलि मू पात्रया भूमिका म्हितम्हा दक नांदांम्हा कम्पुनिष्ट विरोधीदक फुक्कसिन म्हास्यम्हा युनिफिकेसत चर्च निस्वाम्हा मुनया जहान अले थव ज्या भ्वः या मू पाहाँ हक जा मुनपाखें छग्लाख अमेरिकी डलर किछिया दां नपां 'नेतृत्व व सुशासन' नांगु पदक नं प्रधानमन्त्री ओली काल। गुलि देशद् प्रतिबन्ध याड तःगु उगु संस्थाया सह-गवाखल: जुयो उगु ज्या भ्वः ख्य गवाहाली यागुलिं सरकारता तसिकं कुखिड च्चंगु दः। देशद् दक्व नगरपालिका व गाउँपालिकाया प्रमुख उपप्रमुखतय्ता नेम्हातिपु व्य दैगु व्यवस्था नपां तःजिक ज्या भ्वः हाड कवचाय्कल। धर्म निरपेक्ष भीगु देशद् सरकारं हे थः स्वयम् छाँ धार्मिक संस्थाया मुञ्जाख्य कजी जुयो ज्यासांगु तस्क लज्जाचाय्पुगु खाँदक पेखर कुखिड च्चंगु दः। गुब्ले मैं याता पुजायाड गुब्ले आइएनजीओया छुपें जुयो ल्यू ल्यू वाड नेकपा सरकार व थुकिया नेतात थःता थमं कवह्यंक च्चंगु दः। न्ह्यगु सरकार निस्वाम्हा च्याला गुला दत। थुकिया दुने यागु मेमेगु ज्या नपां थव ज्यान देश व संविधानविरोधी ज्या खः। थुकिं सरकारयागु जक बेइज्जत मखु कम्पुनिष्ट नां या सरकारं याड कम्पुनिष्ट पार्टीतय्गु हे बेइज्जत जुल।

ख्वप नगरपालिकां न्ह्यगु एनजीओ चाय्के मवियगु अले पुलांगु नं तस्कहे म्हवजक नवीकरण याय्गु मति ज्या साड व्यो च्चंगु याता तस्क च्चालाय् बहगु दक प्रशंसा याड च्चंगु दः। डलर कुम्हःपु थव ज्याखें असन्तोष जक मखु तस्क तंम्वयक तं च्चंगु दः। न्हायान्थ्येगु कहर न्यमःसां एनजीओ तयता त्वःत तःम्हा दोहाँस्त्वें छारुवा त्वते मज्जु। केन्द्र निसें स्थानीय तह अथे धाय्गु सरकारया च्यव्यनिसें क्वय्येकया निकाय त्यसं अमिता बाँलाक स्वयगु, म्हासिइक पला छियमःगु तस्क आवश्यक खाने दः। इलय् हे भीसं वाचाय्के मफःसा थवमिसं थःगु इच्छा काथं स्थानीय व प्रदेश कानुन दयकेगु, विकास योजनात ह्यगु प्रस्ताव त हःगवई। भीकेहे मन्यसें अमिसं देया सार्वभौमिकता व स्वतन्त्र देया भी जनता धाय्ता लज्या जुइगु ज्या साड है। अजगु दिन व्य न्हयाँ हे भी सचेत जुयमफूसा लिपा हाल च्चडां लीलाइमखु। भुथुली वाने न्हपा नस्लाकाय्गु लिपा थमजु।'

पिकाक- ख्वप नगरपालिका/ सम्पादक-आशाकुमार चिकंबज्जार/ थाकू-भत्तपुर अफसेट प्रेस

फोन ल्या: - ०१-६६१००९६, इ-मेल - bhaktapurmun@gmail.com

प्रधानमन्त्री चाउ एन लाइया सौहार्दपूर्ण व्यवहार

(हानेबहम्हा नेमकिपाया नायो नारायणमान बिजुकछौं नपां जूगु खँल्हाबँल्हाया लिधँसाय् वयक थौं स्वयो
भण्डै ६० दा न्हयो चीनय् उपचारया निति भः बलया लुमन्ति)

सन् १९५९-६० पाख्य
वयक ((नारायणमान बिजुकछौं)
एसियाइ-अप्रिकी युवा व
विद्यार्थीतय् गु स्वास्थ्य निवासय्
च्वड द्यूगु जुल। पेचिङ्गया
३० किमि उत्तरपाखे पाताचु
धाय् गु थासय् उगू स्वास्थ्य
निवासया भवन दःगु जुल। आना
च्वंगु नेला प्यलालिपा पेचिङ्गया
बांबालागु थाय् पार्क व ऐतिहासिक
संग्रहालय् अवलोकनया निति
वयक पिंता यंकगु जुल। डाला
खुलालिपा थी थी मुंज्या
(सभासमारोह) ख्य ब्वतिकाय् केगु
नं यागु जुल।

उब्ले चीनय् एसिया व
अफ्रिकी देशया तथां, चिधांगु देश
वा जनसंख्या अप्वः म्हवया ल्याचा मतसे
देया राष्ट्रपति व प्रधानमन्त्री त भ्रमणया
निति भायो च्वनिगु जुल। उब्लेया
लसकुस ज्याभ्वः नपां बःन्हिया
रात्रीभोजय् न ब्वतिकाय् गु अवसर
प्राप्त यागु जुल। अजगु ज्याभ्वः त
अप्वः धाय् थें जनप्रतिनिधि सभा भवनय्
हे जुइगु जुल। सलंस मनूतय् सं ब्वति
काइगु उगू समारोहख्य् सु गना च्वनेगु
? धाय् गु नां च्वयो टेबुलय् तिकः तइगु
थासय् च्वने मःगु व्यवस्था



नेमकिपाका नायो नारायणमान बिजुकछौं (रोहित)

याड तैगु जुल।

वयकया धापु काथं -‘जिच्वनेगु
टेबुलय् जि नपां न्हयाब्ले चीन नेपाल
मैत्री संघया छम्हा बाज्यः तिवाम्हा पासा
छम्हा दैगु जुल। जि नपां छम्हा
(चिकित्सक) डाक्टर व भाय् हिल
विइम्हा दोभाषे न दैगु जुल। विदेशी
पाहां व चिनियाँ नेतातय् गु औपचारिक
भाषणलिपा चिनियाँ प्रधानमन्त्री चाउ
एन लाइ फुक्क धाय् थें टेबुल थिइक
भायो सकले सहभागी जुयो च्वंपु पाहांत

नपां खँल्हाबँल्हा याड दी।
स्वास्थ्य, छें जः निसे व्यक्तिगत
खाँत न्यड दी। जि न्हयाब्ले
तक्वातपुलि पुयो भीगु देया नं
कोफेन सुरुव फियो उगु ज्या
भ्वः ख्य ब्वति काय् गु जुल।
प्रधानमन्त्री चाउ एन लाइ जिगु
टेबुलख्य थिइक भायो जिम्हा
चिकित्सकयाके जिगु स्वास्थ्यबारे
न्यड दी। दोभाषे नं जिता
र्वाहाली याड दी। प्रधानमन्त्री
चाउ एन लाइ जुं मथां भिं
उसाँय्या कामना यासे छें मां बैया
पौ व मवगु खाँ नपां मांबौया
स्वास्थ्यबारे नं न्यड दी।

उगु इलया नेपः या प्रधानमन्त्री
बी.पी. कोइरालायाता स्वास्थ्य

निवासय् लसकुस याय् गु औपचारिक ज्या
भ्वः ख्य पासापिन्सं नपालाय् धाय् गु
आग्रह याब्ले प्रम चाउ एन लाइ नं
थः र्वाहालिमिन्ता ज्याभ्वः ग्वसः ग्वय्ता
धायो दिल। अः भण्डै खुइदा लिपा
उब्ले चाउ एन लाइ नं नेपः दे वा
नेपः मिन्ता छति हे मेपुं नपां मपाक,
उथेंखाड याड द्यूगु सद्भाव लुमाड
वैब्ले जिगु मनय् अः नं श्रद्धा बुयो
वैगु। व इलय् जि २० दाँया ल्याम्होम्हा
ब्वनामि खः। जिगु टेबुलय् न्हयाब्ले नपां

दैम्हा बाज्योवांम्हा व चिनियाँ पासा
नेपःया निंति न्हपांम्हा राजदूत याड
छ्वयो हःबले जिं नेपालय् नापलात ।
नापलाबल वयकं जिता छ म्हासिलला
दक न्यडु दिल । जिं म्हासिल धा धां
महामहिमजुयाता जिमिगु देशय् लसकुस
दः धाय् वं -‘भी पुलांपु पासा खः’
जक वयकं धायो दिल । जिं धाया
धाथ्ये हे खः। नेपामि व चाइनिज
पुलांपु व तस्कं भिंपु पासा खः। उगु
ल्याय् भी पुलांगु वैसख्य् चीनय् च्वडागु
इलय् या चिनियाँ जनता व चिनियाँ
नेतातय् गु भीगु दे नेपःप्रतिया दुयंगु
माया (सौहार्द्वता) व वयकपु नेपः चाहयू
भःगु अः न भलभल लुमांक च्वडा ।

चिनियाँ नौ (नापित) पासा
नपां या छभा:

उब्ले क्रान्ति लिपा जि चीनय्
च्वडावलय् स्वास्थ्य भवनय् छम्हा
विद्यार्थीता साँ च्याकेता धौठी ई बीगु ।
अले साँ च्याय् गु पः व ई नपांया टोकन
न न बी । जिगु पाय् छी इलय् जि थ्यंक
वानेबलय् छम्हा मनूयाता साँच्याके धुंक
छोयो वयक नापित पासा छभा लांकी ।
वहे इलय् चुरोट छपु साली । व चुरोट
सालिगु इलय् वयक नपां जि पुलांगु
चीनयाबारे खँल्हाबँल्हा याय् गु । उगु
इलय् जिं वयक याके याडागु न्हयसः
या लिसः थथे दः ।

१) चिनियाँ क्रान्ति जुय न्हयों छि
छु ज्या याड दिया ?
-उब्ले जि छम्हा जिमिनदार खः।
२) छिगु बुइँ अः सुनं ज्या
सानिगु ?
- फुक्क बुँ ज्यासानिपु किसान तय्ताहे



चिनियाँ प्रधानमन्त्री चाउ एन लाइ

इड बिय धुन ।

३) छाय् लय् ?

- भूमिसुधारय् वास्तविक किसानतय्ता
हें बुँ इड बी । सुनं बुइँ ज्या सानी, बुँ
वाय् गु, हे जुइ । उकिं बुँ फुक्क वास्तविक
किसानतय्ता इड बियागु जुल ।

४ छिगु बुँ, छिं छाय् थमनं मयासि
मे पिन्ता बियाले ?

जिं बुइँ ज्या याय् मफया उकिं
जिं थव साँ च्याकेगु ज्या ल्यया । थुकिं
जिता सरकारी कर्मचारीता दक्व तलब
दै । थुकि हे जि तस्कं सन्तुष्ट जुयो
च्वडा ।

xxx

देगः व (विहार) या बन्दोबस्त

स्वास्थ्य निवासय् च्वडाबले व
स्वास्थ्य निवासं विदा कायो थी थी
प्रान्तया देगः चाहिलाबले फुक्कथासय्

यचुपिचुक तयो तःगु दः। तर द्यो
भागीयाइपु व पूजा याइपु धःसा
तसिकहे म्हव जक खाने दः।

आनायाय् पु भिक्षु व पुजारी
(द्योपाला) तय्के छमिगु बन्दोबस्त
नपां गुठीयाय् गु जग्गा सरकारं छुयाता
? नपां देगः ल्हवनेगु सुनंयाइ ? दक
न्यडाबले फुक्क थासय् छपा म्हतुं
धःथे थव तस्कं पुलांगु देगः व विहार
खः। क्रान्तिलिपा थुकियाता ल्हवनेगु
ज्या यात । गुगु ज्या प्रधानमन्त्री
चाउ एन लाइ जुया निर्देशनय् जुइगु
खः। थुकियाय् गु जग्गा भूमिसुधारया
इलय् फुक्क वास्तविक किसान तय्ता
इड बिल । उसां निसें जिमिगु तलब
व देगः ल्हवनेकने नपां मेःगु फुक्क
व्यवस्था सरकारं हे याड वयो च्वंगु
दः। धाय् गु लिसः बियो दिल ।

चीनया थजगु बन्दोबस्त स्वयबले
भीगु देशय् न मठ, देगः, महत्त, पुजारी,
फुक्कया व्यवस्था सरकारपाखे जुय मःगु
खः। संघ राज्यया बन्दोबस्त जुय धुंकागुलिं
भतिचा अप्वःगु (मध्यम स्तर याय् गु) मठ
देगः तय् गु व्यवस्था प्रदेशसभां व चिच्या
चिच्याहांगु देगः स्मारकत थःगु गछे
(क्षमता) स्वयो स्थानीय निकायता व्यूसा
बाँला जुइ । स्थानीय निकाय व प्रदेशं
ल्हवने मफागु फुक्क सांस्कृतिक धरोहर,
देगः मठ फुक्क या जिम्मा केन्द्रीय सरकार
पाखे काय् मालिगु जुल । तर भीगु
देशया भौगोलिक स्थिति स्वयूबले केन्द्र व
पुरातत्व विभाग व गुथी अद्डां २०
प्रतिशतजक ल्हवनेकने यागु खाने द ।
उकिं थजगु जिम्मा स्थानीय निकाय व
प्रदेशता व्यूसा व्यवहारिक जुइ ।

का. रोहितं चवयो द्यूगु 'माओ त्सेतुड़को जीवनी' पाखें साभार

माओ त्से तुड़ग्या छत्रःचा म्हासिका:-


चीनया हुनान प्रान्त्या स्यांगतां अञ्चलया शाउ शान धायगु गामय् माओ धायगु परिवारय् २६ डिसेम्बर १९९३ खुन्हुं माओ त्से तुड़ग बूगु खः।

माओ नं थः बाज्यापाखें कांगु आनायायपुं जुजु पुं अले थःगु देश नयो चवंपु साम्राज्यवादीत नपां ल्वाड किसान तय्ता बुँ इड ब्यूगु १९५१

या 'ताइपिंग किसान विद्रोह' या बाखंत तस्कं क्वथिडक न्यड थःता नं छम्हा विद्रोही दयकल। माओया ब्वाम्हा माउ शु रोद्ग पलटने जागिर नयो धेबा कमे याड च्वंम्हा जुल। व्यक्या मति धेबा मुनेगु जक ज्गुलिं कंजुसजक मखु थः परिवारयाता नकेता हे तिसिइम्हा जुयो इलय् व्यलय् ल्वापु जुइ। तर माओ त्से

तुडया मां वेन चिन मेइन दुःखी गरिबपिन्ता ग्वाहाली यागु, बुद्ध पूजा यागु अले थः जहानं मखांक जुसां मरुपुं, मछिपिन्ता ग्वाहाली यागु स्वयो च्वंम्हा माओयाय् मनय् नं थजगु हे सेवा भावया मतिं जायो वल। गुकियाता थःगु जीवनया मू उद्देश्य दयेकल।

द दाँ दबले आखः ब्वनेगु सुरुयाम्हा माओ १३ दाँया उमेर्य गामय्या स्कूलय् ब्वने सिध्यकल। वया ब्वा नं अपः ब्वनकिं स्यनेयो धाधां माओयाता नं (व्यापार) बनय् यंकेगु ज्या यात। तर माओया ब्वनेगु इच्छा यकव दःगुलिं बन्ही लिबाकक बताचा च्याक जूसां आखः ब्वनेगु याड दिल।



विदेशी लुटाहातय्सं चीनयाता ब्वथल शासन यायतांगु धायगु साफु ब्वड माओ नं देशप्रेमया भावना ब्वलकं दिल नपां 'हरे ! चीन ध्वस्त जुइन' धायगु खाँपु ब्वने धुक गथे याड चीनयाता ल्यंक तय् फै धायगु मतिं ज्या साडु दिल। थुकिं छें बौ नपां थाकथुक नं जुल।

उब्लेहे व्यक्या पाजुं देशय् माओयाता सहर पाखे यंक आखः ब्वंकेमःगु खाँ हरवःब्लय् बौम्हासिनं विरोध्यासां आखः ब्वड नं धेबा कमेयाय् फै धायगु खाँख्य् खः ताय्क आखः ब्वंके छोत। तुंग तैशानया उगू स्कूलय 'न्हुपुं जनता' धायगु साफु ब्वड राष्ट्रभक्ति च्व जाय्कलसा जापानं पासयाड वम्ह मास्टर पाखे चिनाखाँया विषय खाँ थुइकल। आना व्यकलं पुलांगु चिनियाँ साहित्य व इतिहास तस्कं ध्यान तयो ब्वड दिल नपां विदेशी इतिहास व भूगोल नं ब्वड दिल। आनाया गुरुपिनिगु देशभक्ति न्वचु खं व्यक प्रभावित जुयो दिल।

उकिया दाच्छीलिपा व्यक हुनानया राजधानी चाड्सा धःगु थासय् ब्वँ भाल। आना व्यकलं दक्कले न्हपां क्रान्तिया विषयलय् च्वयो तःगु 'जनताया शक्ति' धायगु अखबार ब्वड दिल। उब्ले चीनय् कोमिडतांग पार्टी दक्कले ब्ल्लागु व अमेरिकाय् च्वड च्वंम्हा सन यात सेनया उगू पार्टीया नेताया उद्देश्य बेलायत व अमेरिकाय् थुजगु व्यवस्था हयगु खः। थव खाँ खं माओता राजनीतिख्य् लुत्तुलयो यंकल।

चीनय् उथलपुथल जुयो च्वंगु इलय् माओ नं लच्छ्या ७ तका दां कायो पल्टनय् भर्ना जुयोदिल। थाय् थासय् ल्वापु जुल। मंचु सरकार कोदल। सन यात सेन अस्थाई राष्ट्रपति जुल। लिपा गुटबन्दी व जालभेल खं व्यकं राजीनामा याड दिल। मेम्हा सैनिक अफिसर युवान शिह



काई राष्ट्रपति जुल । लडाइँ क्वचाल । माओ या लडाइँ न्हयाकंतु यंकेगु मति दसां वयक पिनि सम्भौता यासेलिं माओ नं पलटनया जागिर त्वःतदिल ।

उकिंलिपा चाडशाय् नर्मल स्कूलय् वयकं ज्या साड दिल । आना वयकनं विद्यार्थी पुचः छथव निःस्वान । गुकिं प्रतिक्रियावादी तय्सं कलेजयाता छाउनी दय्के धःगुया विरुद्धय ल्वाड सफलता प्राप्त यात । वयकलं पुस्तकालय ज्या सां सां विभिन्न विद्वानपुं नपां खँल्हाबल्हा, सल्लाह यायां थी थी माकर्सवादी पत्रिका, साँफु ब्वँ ब्वँ थीथी आन्दोलनय् सक्रिय जुयो दिल । २१ जुलाई १९२१ खुन्हुँ चिनियाँ कम्युनिष्ट पार्टीया स्थापना याता गुकि माओ नं छम्हा दुजः ल्यल । वयक नं चिनियाँ कम्युनिष्ट पार्टीया संस्थापकमध्ये छम्हा खः । वयक हुनान प्रान्तया सेक्रेटरीखय् ल्यल ।

थःके माकर्सवादया स्यल्लागु ज्ञान दय्धुंक वयकलं सिनसिहताइ (न्हगु युग) धाय्गु न्हगु पत्रिका पिथान । अले खानी, रेल, नागरपालिका छापाखाना, सरकारी टक्सारया ज्यामी तय्ता संगठनयाड छप्पाछधियाड मजदुर आन्दोलन हज्याकल । पशुस्वयो क्वययाय् जीवनया मुक्ति हे क्रान्ति खः। धाय्गु खाँ थुय्वं लाखौ ज्यामित छप्पाछधि जुयो ल्वात

चीनयाय् उगु शक्ति बल्लागु क्रान्तिकारी शक्ति जुल ।

स्वंगागु महाधिवेशन १९२३ खं जनवादी क्रान्ति पू वांकगुखःसा सर्वहारा वर्गया नेतृत्व व किसान समस्याता नं नपां यंकेमःगु नीति पास यात । कोमिडताडनपां मिलेजुयो तःधांगु क्रान्तिकारी पार्टी जुयो स्यल्लागु आन्दोलेन याय् खाँ क्वछित । गुगु ज्या तस्कं सफल जुसेलिं माओता दक्षिणपन्थी धायो पार्टी लिकाल ।

उकिंलिपा वयकं थःगु गां शाउशान भायो साम्राज्यवाद व सामन्तवादया विरुद्धय ल्वाइपुं पार्टी कार्यकर्ता व संगठन दय्क छ्गु बहनी आखः ब्वनेगु स्कूल नं चाय्कल । उगु पार्टी अन्नया उचित मूल्य, उचित ज्याला, हाकु व्यापार मद्यकेगुलि आन्दोलन हज्याकल । गुगु आन्दोलन तस्कं सफल जुल । चीनयाय् वस्तुस्थिति थुइक १९२६ खय् माओ नं 'चिनियाँ समाजय् वर्गया विश्लेषण' धाय् च्वसु च्वयो क्रान्तिया शत्रु व मित्र छुटेयाड दिल । गुकिंयाड क्रान्तिया आधार तयार जुल ।

प्रचार, संगठन, जनशक्ति, गुप्त खबर, समस्या ब्यंकेगु फुक्क फुक्क कम्युनिष्टत्यसं सयकालिं दक्षिणपाखेया मोती खुसी निसें उत्तरया याडसी खुसीतक शत्रुत्यता बुकेगुलि कम्युनिष्टतः सफल जुल । छसिकाथं १९२६ खय् हुनानय् किसानतय्सं थी थी आन्दोलन याड द्वलद्व न्हयोनिसें न्हयाक वयो च्वंगु सामन्ती जमिन्दार प्रथा ध्वस्त याड बिल । गुकिं कोमिडताड सरकारतस्कं ग्यात । उकिता 'आवारा' उपद्रतय् गु पुचः धाधां क्वतेलय् ज्या यात । तर कम्युनिष्टत्यसी भन्मग्यासें संघर्षयाता हज्याकल । पार्टी दुने व पिने या खोटागु विचःयात खण्डन यासें अनेक संघर्ष यायां लालसेना नपां हःने च्वड हःपः ब्यू ब्यूँ क्रान्ति व मिपुसा अथे हे खः छक्वःचा मिपुसां गुँ हे छवय्के फः धाधां उत्साह

ख्वप पौ

तड जनताता ग्वाक बिल । चीनय् क्रान्तिया लब्बु दड वैगु पक्का हे जुल । सुजद्यो लुय् न्हो व मचाबुय् न्हयोया अवस्था थें क्रान्ति चरमसिमाय् थ्यनिबलय् भासुलांकेगु मखु बरु सशक्त संघर्ष याय्: थवहे आजु ज्वड -- १८ अक्टोबर १९३४ निसें क्याडगसीया लाल इलाकां न्हयाकगु ताहाक डायो वानेगु (लामो हिंडाइ) अभियानं शत्रु सेना तय्ता बुकेगु, चिइक वानेगु महान ज्याभ्वः २६ न्ह तक मदिक्क न्हयाकल । अनेक समस्यायाता थाकु मचासें न्हयाकगु उगु अभियानहे चीन स्वतन्त्र जुइगु बाँलागु लक्षण जुल । वयकया धापु काथं थुजगु इलय् ज्या याय् गु हे मू खाँ जुय्: नय् त्वने व आराम धाय् गु लिपा याय् गु खाँ खः।

लालसेना तय् सं जनता नपां मिलजुयो अमिता सय् के थुइके वियगु नपां छपाठधि याड सामन्तविरोधी संघर्ष हःचिइकं चिइकं थाय् थासय् क्रान्तिकारी आधार इलाका दयकं दयकं लाल सेनाखय् भर्ती यायां जनताया पक्ष ज्या साँ साँ वान । आखिर १ अक्टोबर १९४९ सय् अध्यक्ष माओ नं पेकिद्गया थेनआन मेन चोकय् 'चीनय्

जनवादी गणतन्त्र लागु जुल धाय् गु घोषणा याड दिल । चीन छगू समाजवादी देया रूपय् हज्यात । गुगु अःतकं संसारयाता लाँपु क्यनिगु व्यवस्था जुयो च्वंगु दः ।

तस्कं परिश्रमी विद्यार्थी, छम्हा क्रान्तिकारी सिपाही, अले देशभक्त संगठनकर्ता अध्यक्ष माओ देशभक्त, समाज व देशयाता हज्याकेया निंति मदिइक न्हयाड वयोच्वंस्हा योद्धा, जनताया नुग खाँ च्वय् फम्हा साहित्यकार नपां पत्रकारया मृत्यु ९ सेप्टेम्बर १९७६ सं जुल ।

वर्गसंघर्षता त्वः मफिइक यंकेमःगु, निस्वार्थ रूपं जनताया सेवा याय् गु, गरिब किसानया भरय् मध्यमकिसानतय्ता नं नपांयंक सर्वहारा वर्ग क्रान्तिया न्हयलुवा जुयगु क्रान्तिया निंति छप्पा छधि जुय् फःपु फुक्कनपां मिले जुयो जनता, प्रजातन्त्र व समाजवादी क्रान्तियाय् गु, सर्वहारा हुकुमयाता बल्लाक समाजवादी व्यवस्था साम्यवादतक वानेगु वयक याय् गु त्वफिइके मफैगु शिक्षा खः । वय्कयाय् गु विचःया तुइजलां युग-युगतक सर्वहारा वर्गयाता लाँपु क्यड च्वनि ।

किपा



ख्वप नपाया मेयर सुनिल
प्रजापति नपां नेपालगञ्ज
उपमहानगरपालिकाया
जनप्रतिनिधितः ।

लाहातय् ज्या दःपुं (प्राविधिक) मनू त छ्वलांकेगुलि ख्वप इञ्जिनियरिङ्ग कलेजयायय् गु तःधाँगु लाहा दः

जां मरुपुं मनू त धवां जुइ धाय् गु खाँ थुइक ख्वप नगरपालिकाया जनप्रतिनिधिपिन्सं शिक्षायाता च्वन्ह्याके मःगु बांलागु मति ज्यासाड कलेज चायकगु नं १९ दाँ दत । २०५६ सालय् ख्वप उमावि निस्वाने धुंक थी थी मेगु कलेज नं छसिकाथं निस्वासां मदिङ्क पला न्ह्याक च्वंगु दः । थव हे भवलय् २०५६ सालय् ख्वप इञ्जिनियरिङ्ग कलेज व २०६५ सालय् ख्वप कलेज अफ इञ्जिनियरिङ्ग निस्वाने धुंक भीगु देया निति मद्यक मगापुं लाहातय् ज्या व सीप दःपुं प्राविधिक जनशक्ति ब्वलांक वयो च्वंगु दः । व दे व जनताया निति तःधाँगु योगदान खः ।

ख्वप नगरपालिकां ने गु इञ्जिनियरिङ्ग कलेजनपां खुगू कलेज छगू मावि व खुगू मचात स्वइगु शिशु स्याहार केन्द्र चायक ज्याभ्वः न्ह्याक वयो च्वंगु दः । स्थानीय सरकार सञ्चालन ऐन २०७४ छ्यल वसानिसें मावि तरिंतकया जिम्मा नगरपालिकाता वल । थव नगर दुनेया सामुदायिक व संस्थागत नपां ९२ गू ब्वनेकुथि तय् गु व्यवस्थापन नगरपालिकां हे याड वयो च्वंगु दः । भीगु नेपः दे दुने शिशुस्याहार केन्द्र निसें कलेजतक ब्वंकेगु व्यवस्था याड वयो च्वंगु ख्वप



नगर प्रभुख सुनिल प्रजापति

नगरपालिका छगू हे जक खः । थव च्वछाय्बहगु ज्या दक यक्वसिनं धायो वयो च्वंगु खाँ खः ।

थव कलेज निस्वानेता जनप्रतिनिधिपासापुं, ख्वपया स्थानीय जनता व विशेष याड नेपाल मजदुर किसान पार्टीया पासापिसं दुःख सियो द्यूगु खः ।

कलेजयाता बांलाक, भिंक हज्याकेता खानेदय्क व मद्यक र्वाहालीयाड भपुं सकलेंसिता थैंया थव भिं दिनस ख्वप नगरपालिका व कलेजया व्यवस्थापन समितिया पाखें सुभाय् देछायो च्वडा ।

कलेजया छें दानेगु व मे मेगु भौतिक संरचना दय्केता भीसं सुनं विदेशी तय्के लाहा फयागु मरु नपां सरकारनं छुनं र्वाहाली यागु मरु । थुकि फुक्क लगानी नगरपालिकां हे

यागु खः । लाहाफयो नै पिनिगु कप गुब्लें धस्वाय् फैमखु धाय् गु भीसं सिया उकिं भीगु गछ्यअनुसार ज्यासाड भीके दःगु पुँजी, श्रम छ्यल कतया भर्य् मस्वासिं थःगु हे तुतीख्य् दाड भी स्वाभिमानीपूर्वक हज्याड वयो च्वडा । थव गर्व याय् बहगु खाँ खः ।

विदेशी र्वाहाली मकःसे छुं हे याय् फैमखु धाय् गु चिमतिया मनू तय् सं विद्यालय, कलेज, विश्वविद्यालयया छें (भवन) दानेता, कीबा, पःख, पुस्तकालय, शौचालय थें मद्यक मगागु चिच्या-चिच्याहांगु ज्याया निति हे मेपिन्के फ्वनेगु बानीखं याड यक्वसिया मति हे गति मलाय् धुंकल । अजगु मति भीता मेपिनिगु भर्य् म्वाय् मालिगु अवस्थाय् थेंक विड । थुजागु ज्यायाता आर्थिक उदारीकरण धाइ । थौं भीगु देशय् अप्वःसिता थवहे ल्वचंकय् धुंकल । थव उदारीकरणयाय् हे लिच्चवः खः ।

संविधानं ब्यूगु अधिकारकाथं स्थानीय तहयाता ऐन दय्केगु अधिकार नं दः । तर गुलिं स्थानीय निकाय तय् सं विधेयकया मस्यौदा दय्केगु, विकासया योजना र्वसः र्वय् ज्या नपां एनजीओ व आइनएनजीओ तय्के र्वाहाली फ्वड च्वंगु खाँ समाचारय् वयो च्वंगु दः ।



ज्या भ्रवलय भायो दि पुङ्ग हानेबहपुङ्ग अतिथिज्यूतः

थथे मेपिन्सं दयकगु ज्या भ्रवः ख्य जक भी न्हयायगु खःसा भी गुलि स्वतन्त्र व स्वाभिमान खःले धायगु खाँयँ न्हयसः दाने फः । संघीयता छ्यले गु भ्रवलय् प्रदेशया मुख्यमन्त्रीतय्ता छें भाडां (बाल) कायो वियगु अले विदेशीतय्गु मतिकाथं जक ज्या यायगु खःसा भी गथे थः जुयो म्वाय् फै ? थुजगु खाँ बय्बय् जुयो च्वंगु दः । प्रदेश नं ३ या नीति अले योजना तर्जुमा अष्ट्रेलिया सरकारया रवाहाली ख्य न्हयाड वयोच्वंगु डीएफएटी नांया आइएनजीओ नं यागु खः गुगु अष्ट्रेलियाया राजदूतया (आदेशय्) इशाराय् न्हयाइगु खः दक धायो वयोच्वंगु दः ।

यैं जुगु युनिभर्सल पीस फाउन्डेसनया ज्या भ्रवः ख्य सरकारं करोडौं खर्च यायगु धायगु खाँ प्याहाँ वयो च्वंगु दः । छगु आइएनजीओया लागिं खर्च याइगु व धेबां भीगु थजगु कलेज दय्के फः, ख्वप अस्पताल थजगु संरचना दय्के फः । जनताया भिं जुइगु ज्याख्य थौया सरकारया ध्यान वांगु खाने मरु । सरकार संवेदनशील मजु ।

स्थानीय तहनिसें केन्द्रीय सरकारतक अथे धायगु सरकारया क्वे निसें च्वय थेंकया तहख्य विदेशी तय्सं चासो कायो ज्या साड च्वंगु दः । विदेशीत लीमलाक जुगुया अर्थ विदेशी प्रभाव यक्व दः धायगु खाँ भीसं

सिया । थजगु स्वतुमतुस्वःगु जटिल इलय् गथे थः जुयो स्वाभिमानी धंगं म्वाय्धायगु तस्कं थाकुगु चुनौती खः। ख्वप नगरपालिका अजपुं एनजीओ आइएनजीओ त नपां तस्कं सतर्क जुयो थःगु हे पहलं हज्याड च्वंगु दः ।

सरकारं कर्मचारीतय् काय् म्हयाय्पिन्ता धेबा पुले म्वाय्क छात्रवृत्ति वियो छवंकेगु व्यवस्था याता । सुरेन्द्र पान्डे अर्थमन्त्री जूगु इलय् दय्कगु उगु नीतिकाथं अःतक २, द७७ (नेव्व व च्यास व न्हय न्हयम्हा) सितं थुगु छात्रवृत्ति कायो छवने धुंकगु रेकर्ड दः । डाक्टर, इञ्जिनियर, नर्स, कृषि विज्ञान व मेमेगु विषय छवड पास याय् धुंकपुं उम्हा छवनामि

(विद्यार्थी) त छु छु देशय् वाड ज्या याड च्वना धाय्‌गु सरकारकय् ल्याचा महु । अमिसं मस्यू । जिमिसं आर्थिक रूपय् कमजोर पुं ब्वनामिपिन्ता थजगु अवसर वियमःगु खाँ सरकारयाता धायाबले किसीया न्हय्पतय् पाँती हालेथं जक याता । अमिसं जिमिगु सुभावयात तेरेमया । गुलि ब्वनामिपुं थःगु जिम्मेवारी पू मवांकसें विसे वाना । अमिता राज्यं छुं हे कारबाही याय् मफ ।

भीसं जांकायो थःगु सीप ज्वयकेता आखः ब्वनेगु खः। थःमनं सय्कागु जां व सीप थःगु देशय् हे छ्यलेमः दक आग्रह याडागु खः । भीगु देशय् अः थी थी ९ गू विषयया विश्वविद्यालय त दः। गुकिं देनं देनं जक ब्वंक अनुसन्धानया ज्या तस्कं हे म्हवजक याकच्वांगु खाने दः। ख्वप

नगरपालिकां ख्वप विश्वविद्यालय दय्केगुलि बःबियो च्वडागु दः। सरकार ख्वप विश्वविद्यालयया विधेयक पारित याड भीता व ज्या भक्तः न्हयाके ब्यूसा भीसं न्ह न्हगु अनुसन्धानया ज्याखय् भीपुं विद्यार्थीतयता छ्यलय् । ज्या (श्रम) नपां स्वापु दःगु शिक्षा बियो देशय् छग् बाँलागु विश्वविद्यालय दय्के । उकिं सरकारकय् भीसं भीगु माग पू वांकेता आग्रह याड च्वडा ।

जनतातय्‌गु आन्दोलनखं ब्वलांगु अधिकारत अनेक त्वहः तयो लिफ्यड काय् दैमखु । नेपाल शिक्षक महासंघया विज्ञप्तिसंविधानं मावि (१२ गू कक्षा) तगिं तकया जिम्मा स्थानीय तहयाता मखु संघ सरकारयाता वियमः धाय्‌गु माग तःगु दः। थव तस्कं मिले मजूगु खाँ खः।

संघ सरकारय् च्वडु च्वं पिनिगु

मति स्थानीय सरकारता कमजोर याय्‌गु खः। छुं ई न्हयों स्वास्थ्य राज्यमन्त्री ख्वपया छग् ज्या भक्तः खय् 'शिक्षा व स्वास्थ्य' स्थानीय तहं भाला काय् फै मखु जक नुवाड दिल । थाँ नेपाल शिक्षक महासंघ थजगु हे मभिमतितयो संविधान संशोधनयाय्‌मगु धाधां हइतालया आह्वान याड च्वन । शिक्षक महासंघ धाय्‌गु पेशागत हकहितया खाँ ल्हाइगु संघ जुयमः। जनतायाता ब्यूगु अधिकार लिफ्यड काइगु सरकारया ज्याभः जुयमज्यू । थव तस्कं बां मलागु ज्या खः ।

(ख्वप नगरपालिकाया प्रमुख सुनिल प्रजापतिजुं ख्वप इञ्जिनियरिङ्ग कलजया १७ क गू अले ख्वप कलेज अफ इञ्जिनियरिङ्गया १० कगु वार्षिकोत्सव ज्याभक्तः २०७५ मंसिर १३ गते बियो दृयूगु त्वचु ॥)

घरजग्गा करखय् छुट्या विषयले ख्वप नगरपालिकाया सूचैँ ।

ख्वप देय् या दाजुकिजा तताकेहे पाखें वःगु सुभाव अनुसारं

ख्वप नगरपालिका नं. आ.व. २०७४/७५ निसें घरजग्गा करखय् ५० प्रतिशत

छुट बिय्‌गु निर्णय जुगु काथं थव हे वइगु २०७६ असार मसान्ततक

कर पुल दिइपुं सकल नगरवासीया छुट्या सुविधा बिय्‌गु खाँ ब्याक च्वडा ।

इलय् हे कक पुलः छुट्या झुविधा कायः दिक्षं ।
भीगु ख्वप ढेय्‌या विकाश निर्माण व शिक्षा,
स्वास्थ्य न्हयो ज्याको रवाहाली यड दिक्षं ।

राजनीतिक आन्दोलनं घ्‌वागु समाज सुनं तछ्याये फैमखु



प्रदेश ३ का सांसद सिर्जना सैंजु

भीगु सांस्कृतिक ख्लय्या न्ह्यलुवात थौं भीसं थाना तःम्हा खडु च्वडा। वय्कपुं खानिबले, नापलाईबले भीगु समाजया तसकं बालागु छपा किपा हने वगु अनुभव जुई। वय्कपिनिगु त्याग, तपस्या अले साधनाया जीवन धार्थे सकसिनं ब्वने बहःजु। वय्कपिनिगु जीवन छगु निःस्वार्थ जीवनया नमूना खः धःसा छतिहे पाइमखु। थःता छुं दई जक मखु, सरकारपाखें छुं चुलाइजकनं मखु बरु थव समाज हाँय्पुसे च्वकेता, थव समाज भः भः धाय्केता बाजा थायेगु, प्याखं सय्केगु, अले स्यनेगु वय्कपिसं थाकुमचसि मदिक हज्याक द्युगु ज्याः सेवा व समर्पणभावया च्वःजगु उदाहरण खः। वय्क थन्यपिसं सांस्कृतिक ख्लय्या निंति थगु जीवन पाड मद्यूगु जूसा, थगु सबय् फुक मद्यूगु जुसा थौंया भीगु म्हसिका भीता चुमलाइगु जुई अले थौं थव गौरवया अनुभव याये मखानिगु जुई। उकीं भीगु समाजया सांस्कृतिक गुरुपित्ता, सांस्कृतिक न्ह्यलुवातय्ता भीसं अपलं अप सम्मान यायेम। वय्कपिनिगु ज्ञान, सीप व क्षमता न्ह्यु पुस्ता व न्ह्यु समाज द्यकेता छ्यलेम। जनताया दथ्वी ब्वलांपुं सांस्कृतिक नायक नायिकातय्ता सम्मान यायेगु हे नं च्वःजगु संस्कृतिया चिं खः।

सांस्कृतिक ख्लय्या भी न्ह्यलुवातय्तं जोडा मरुगु योगदान याड दिउथे शिक्षायागु विकास अले राजनीतिक चेतना ब्वलांकेगु ज्याखय्नं भी अग्रज पुस्ता यागु योगदान काथहे भीगु समाज थौंया स्थितिख्य् थ्यंगु खः। सांस्कृतिक ख्लय्य हज्यागु समाज शैक्षिक व राजनीतिक रूपनं हज्यासा जक कुलां दानि। उकिं कला, संस्कृति, सम्पदाया ख्लय्य भीसं मदिक पलाः न्ह्याकार्थे शिक्षा, साहित्य व राजनीतिया ख्लय्नं भीसं अभनं क्वातुक हज्यायेमगु थौंया आवश्यकता खः। राजनीतिक आन्दोलनं घ्वागु समाज सुनं तछ्याये फैमखु। थव अनुभवं सिद्ध यायेधुकंगु खाँ खः। उकिं बाजा थाथां विचारया खाँ ल्हायेम, प्याखं ल्हु-ल्हुं परिवर्तनया पुसा पियेम धायेगु भावना भीसं कःघडतुं तये। राजनीतिक संघर्ष व वर्गीय भावनां हे जक सांस्कृतिक अभियानयाता जीवन बियेफई। राजनीतिक विचार वास्ता मयासीं जनताया संगठन बमलाकसीं प्याखं जक ल्हयो च्वन, बाजा जक थडु च्वन अले थःथःगु ज्याखय् जक जुयोच्वन धःसा भी गना खः आनांतुं लडु च्वनिगु अले लय्ता च्यो सिवाय छुं मखइगु इतिहासं स्यंगु पाठ खः। प्रतिक्रियावादी वर्ग जनतायाता क्वतेलान्तुं तयेता विचार, सिद्धान्तं तापाक तयेगु, संगठनं पिने तयो कमजोर यायेगु कुतः याडं तुं च्वनि। मजदुर, किसानत थःथःगु ज्याखय् हे जक लगे थःजू। अमी सन्तानतनं राजनीतिक ख्लय् दुहाँ थमवां धायेगु मति प्रतिक्रियावादीतय् जुई। उकिया निंति अमिसं अनेक जः रवई। प्रतिक्रियावादीत नपां ल्वाड च्वनेगु भावना म्वाःक तयेगु अले ल्वाइगु न्ह्यु पुस्ता तयार यायेगु भीगु कुतः जुयेम। शिक्षाखय् हज्याड च्वंगु न्ह्यु पुस्ता राजनीतिक विचारकाथं नं हज्यात धःसा समाज थव स्वयोनं हज्याइगु निश्चित खः। भी कोहें - किजापित्ता, काय-

म्हयाय्पिन्ता इलयहे खःगु लापुई यंकेया निति
हसना बियेगु, लाँपु क्यनेगु समाजया न्ह्यलुवा
अले थाकालिपिनिगु अभिभारा खः ।

नापनापां थौया इलय् जनताया आन्दोलन
न्हूगु काथं थाने माल च्वंगु द । कम्युनिष्टया
नामय् ओली सरकारं यय-मयथे यड च्वंगु,
यय-मय थे हाल च्वंगु भीसं सिया । देसय्
सरकार दथे जनतां ताय्के मफ । शान्ति, सुरक्षा
गनां गनां मरु । म्हयाय्-मस्त असुरक्षित जुयो
च्वंगु खांड देय् हे आतंकित जुयो च्वंगु द ।
देन्यंक जुयच्वंगु वलात्कार, हत्या, हिंसाखं कपः
क्वच्छुये मालानां ओली सरकार छुं छुं हे मखुये
च्वंगु दः । लां-लां दयानं निर्मला पन्तया
हत्यारा ज्वनेगु सरकारं साहस याये मफ ।
सरकार ज्या यड क्यनेगु मस्वसी हल्ला यायेगुली
लगे जुय च्वंगु द । ठग, ठेकेदार व अपराधीतय्गु
लहातय् तँचाप्वाँय् लःल्हाड विकासया म्हगस
मियोच्वंगु द । थन्योम्हा ठग, भ्रष्टाचारीतय्गु
पंजाय् लायेदुम्हा सरकारं देय् विकास याये
फैमखु । समृद्धियां यक्वहे तापागु खाँ जुल ।
नापनापां मस्त व मिस्तय्गु तकनं जीवन रक्षा
याये मफम्हा सरकार जनताया सरकार जुये

फइमखु । एनजिओ, आइएनजिओया कतामन्ही
थन्यम्हा सरकारं अले शासक दलं जनताया मखु
विदेशीतय्गु अले विदेशी पूजीया जक सेवा याई ।
छुं दिन हाँ यें जुगु धार्मिक सम्मेलनखं ओली
सरकारयागु ख्वःपा उल व्युगु द । शासक दल
सु पाखें संचालित, गुम्हा नेता छु देय्या दलाल
खः धाय्गु खाँबुलुहु प्याहाँ वयो च्वूगु दः, पिहाँ
मवसिनं मगा । देशद्रोही नेतातय्ता म्हासिके
मफतले नेपामी जनतां सुख सियेखानी मखु ।
उकिं थव शासक दल व सरकारया फुकं मभिंगु
ज्या, देय्या हित मजुझ्गु ज्याया विरोध यायेता
भी सकलीं हःचिले । च्वमी, कलाकार,
संस्कृतिकर्मी सकलीसिनं जनताया सः पिज्वय्के
फःसा जक थव देय्या भी जुई, जनद्रोही पार्टीत
ध्याक्वन्चाय् लाई अले देशघाती मन्त्री, नेतात
छ्वासलय् थ्यनी ।

दक्से लिपा, सिरपा त्याक द्युपुं सम्मानित
जुय द्युपुं सकलीं कलाकार, च्वमि व संस्कृतिकर्मी
सकसिता बधाई व भिन्तुना देछाय् ।
(प्रदेश सभा ३ का सांसद सिर्जना सैंजुङु मसिर २२
गते ३८ गु नेपाल भाषा साहित्य तःमुञ्ज्याया सिरपा
लःल्हाय्गु ज्याइवखे वियोदिगु न्वचु)



वाकुपति नाशांद्यो म्हाक्षिक



ओमप्रसाद घोमडेल

दक्कले न्हापां वाकुपति नारां द्यःया नां या विषलय खाँ ल्हाये । वा दँया दुने लुयोवम्हा नारां द्यःजुयो वाकुपति नारां द्यः जुल धायेगु बाखं भिसँ न्यड वयागु खाँ हे खत । थव गुलि तक पायछि खः, मालेगु कुतः जुगु मखु । थाना लाक्क 'वा' शब्द वगु द, उकी याता नयेगु अन्न वा (धान) कथं जक कयोतगु खानेद । तर नेवः भाय् गुली धनी की, छाः छाः आखःया छां स्वयो न अप्व अर्थ दगु भिसँ लुमंकि मज्यु । थव हे भक्तिय थवहे वाकुपति नारां द्यःया जःखया थाय थासय याता वाचाय्के मः । इनाचो त्वालय लाँय स्वगँ ल्वहँ दः । व छां इलय ख्वपदेय् स्वंगु राज्यया चिं ख । इनाचो स्वयो पूर्व पाखेया फुक्क थाययाता "वान्दिमरवल" धाइगु जुयोच्चना । अले तचपालय् दतात्रय देगःया दक्षिण पाखे न्हापायागु लायकु द । उकीयाता वाने लायकु धाइगु इतिहास पाखे सिइके ज्यू । थवहे सुजमारी त्वालय प्रजापति समुदायया वस्ती दुने वाथीकुथी धायेगु थाय दः । उलि जक मखु, लिच्छवी जुजु आनन्द देवनं ख्वपदे स्थापना या बले चाक्छी थी थी अजिमा द्यः स्थापना या बलय् ख्वप देया पूर्वपाखे

वाता अजिमा स्थापना यागु खः, थैकल्हय भीसँ वाता अजिमा याता ब्रम्हायणी जक धायेगु याडा । अले थवहे वांता अजिमा जःखया चक्कांगु मांथागु थाय याता वांता द्यः धाइगु खः । थवहे वांता खेलय तुला रानी नं दयेकगु छ्यु हिती द उकी याता वाचुँ हिटी धाई । गुकिया नाखं उम्हा द्योयाता स्नान याकिगु खः । थवहे भक्तिय थव नारां द्यः याता नं वाकुपति नारां द्यः धःगु खः । थव फुक्क स्वेबलय् वा अर्थ पूर्व पाखे खः । थुकिं वाकुपति नारा द्यः पूर्व पाखेया द्यो धायेगु क्यं । वाखेपति अर्थात पुर्व पाखेयाम्हा नारां द्यः हे लिपावड वाकुपति नारां द्यः जुगु खानेद ।

अः थव नारां द्यः या खाँ ल्हायबलय विशेष यड भीगु देशय् भीगु यःगु हे सनातन धर्म न्हापा निसें हे दगु धर्म खः । यःगु छुँ, बुँ लजगाः, थम्ह छ्यलिगु ज्याभः, थःता मःगु अन्न, ना, फय, सिमा, गुँ, चन्द्रमा, सुर्य, यजगु याता द्यःभपियो पुजा याई । थः मां बौ इहीं मजुपुं मिसा मचा, कयता मब्युपुं मिजं मचा फुक्कं द्यःख धयो पुजा याई । अले भी मनू तयगु नुगलय हे नारां द्यः दगु जुयो भी थम्हा थःता म्हा पुजा याइपुं नेवाः त हे खः । थजगु नेवाः तयसं महा द्यः जक पुजा याइगु शैव धर्म याता नं माने यड च्चंगु दः । नारां द्यःता जक माने याइगु वैष्णव धर्म याता नं माने याड च्चंगु दः । वहे छम्हा नेवाः नं वैदिक तान्त्रिक, हिन्दु, बौद्ध, गणेद्य, महाद्य नासःद्य फुक्क द्यःतयता माजे याड च्चंगु दै । थजगु धर्मया नामे सहिष्णुता संसारय् गना हे

मरु । संसारय धर्मया नामेय् ल्वापु, काटमार जुयो च्चंगु थासय् नेवःतयगु धर्म प्रतियागु उदारवादया शिक्षा काये मःगु द ।

अः थवहे भक्तिय भीथाय नारां द्यः जक माने याइगु गुगु वैष्णव धर्म दः उकिया विषयलय् छुं भचा सिइके मःगु द । नेपालय दक्कले न्हापा वैस्णव धर्म हयेगुली लिच्छवी जुजु हरिदत्त वर्मायागु नां हने वई । चाँगु, विशंखु, इचंगु व शंखु नांयापु प्यम्हा नारां द्यः पलिस्था याडालीं वैष्णव धर्म यक्व हने वल । उकी न ख्वपदेया सतिक्क च्चंगु चाँगु नारां द्यः याता थैयागु अवस्थाय् तक हयेगुली मेम्हा लिच्छवी जुजु मानदेवया यक्व हे ल्हा दः । थवहे भक्तिय ख्वपदे वैष्णव धर्म याता न्हयज्याकेगु ज्या ख्वपदे स्थापना याम्हा लिच्छवी जुजु आनन्द देव नं थी स्वयो गुसदाँ हाँ हे तमारी च्चम्हा तिलमाधव नारां द्येखय् च्चयो तःगु ल्वहँपौ पाखे सिइके ज्यू । उकी लिपा मल्लकालय ख्वपदेय नीप्यांगु त्वः जुयोच्चंगु इलय त्वालं त्वाल हे नारां द्यः स्थापना जुगु द । उकी क्वनेया तिलमाधव नारां द्यः व थःने या वाकुपति नारां द्यः दक्कले नां जगु नारां देगः त खः ।

थःनेया थव नारां देगःया ता ने.सं. ५२८ ए जयधर्म मल्ल व जयज्योति मल्ल नांयापु नेम्हा जुजुपिसं स्थापना यागु थवहे गरुड या क्वय् च्चयो तःगु ल्वहँपौ पाखे सिइके ज्यू । अले थी थी इलय् थी थी जुजुपिसं थाना सम्पदा त तानेगु यात । दक्कले लिपायाम्ह जुजु रणजित मल्ल नं लीपाता मुड़ पोलहँ चिड थौं या देगःया स्वरूप विकास यात ।

“डावःगात”

आशाकुमार विकंबङ्गार

तसिकं तःव्यागु छपू खुसीइ
डाचात चुलुबुलु चुलुबुलु साड न्यासी
चायो च्वन | थःहे बूगुथाय् थःहे ब्वलांगु
थाय् अले चाकलिं फुककं थःहे थः
जक |

न्हूपुं डाचात नाख्य् दुनेया छगू
विचित्रगु संसार | नाः, न्हा, लोहँ, भेटय्
अले वहे पुलां पुलांगु रहनसहन, डातयगु
पुचः वहेभजन स्व स्व आयबुक च्वन

न्हूपुं डाचात |

छन्हु खुसी खसुं भुं भुं सुपाँय्
क्वहँवल | व नाख्य् बुलय्ता वम्हा
सुपाँय, सुपाँयनपां प्यासुं भुंगु, प्यासुनपां
थःन भुना न्हूपुं डाचाता गुलिं डात
धःसा गलय विस्यू वान | फसं सुपाँय्
तिइजक तिइजक, पुझक यंकल | सुपाँय
दुनेया डाचातनं सुपाँयखय् च्वडः तुं वान,
च्वय, अभु च्वय | आहा ! व्ययो जुयगु

नं गजगु हाँय्पु | डाचातय् मनय्
आधुनिकताया पापु बुयोवल |
आनासंच्वड च्वंपु डात खाड न्हूपुं
डाचातय् मनय् दया बुयोवल |

पलख लिपा फय् दित | डाचात
विस्तारं प्यात्त प्यात्त कुताँ वल | लाँय्
बाँय्, इवालय्, फलय् | नाः मरुगु थासय्
डाचात फाटाफाटा पुल च्वंगु खाड
मनूयत्सं लय्लय् तायो डात ज्वड च्वन
| डावः गात | डाव गात | विचरा न्हूपुं
डात थःगु कुवुद्धि खाड थःता थमं म्वाय्
नकच्वन | अरबय्, कुबेतय्, मलेसिया,
गनागना!

किपा



बोदेबर्साइन (क्षेत्र ४) नपाया प्रमुख अतेश सिंह यादव नपां ख्वप नपा प्रमुख सुनिल प्रजापति
व उपप्रमुख रजनी जोशीजु

माओ त्से तुड़गया नेपु चिनाख्य जनताको साहित्य भाग ४ पाख्यै भायहिलागु

नेम्हा पंछि (चखुँ) या छगू सल्लाह

तःधिकम्हा वायु (शार्दुल) पंक्षी, पापु फाटाफाटायायां
 १० हजार ली चवयथ्यंक ब्वयो जुल
 तस्कं ग्याः पुक धाकु फय् वयक
 थः गु दुगाफाय् यचुगु सर्ग कुवियो वं कवस्वइ
 मनू तय्गु संसार नपां अमिगु नगर व सहर स्वय्गु इच्छां
 तुवया सलं आकाश थ्वत
 बम मुयो पृथ्वी मिहव दयो कांगथे जुल
 छम्हा चखुंचा तस्कं ग्याड भवालय् सुचुकल
 व ग्या ग्यां हाल-
 भवखा ब्वल, प्रलय जुल
 ओहो ! जी ब्वयो तापाक्क विस्यु वाने
 गना बिस्यु वानेगु ? वायु नं न्यन
 चखुंचां लिसः बिल
 अप्सरातय्गु गुँ चवय्या देशय् ज्वाहारातया दरवारय् ।
 छु छु मसियाला स्वंगु पुचः छपुचः ज्गु
 नेदाँ न्हयो शरदया मिलाया तुइजला स्वस्वं
 आना नय त्वनेया छुं धन्दा मरु
 ला छयाडः तःगु
 क्वा क्वागु आलुया ती (गुलास) नं त्वन दैगु ।
 शार्दुल तंम्बयो धाल-
 त्वः त छब आंजगु बकफुसे फय् खाँत
 संसारय् गज गजगु उथलपुथल जुय् धुंकला ॥

६ ली या छगू कोस/स्वंगु पुचः (प्रतिक्रियावादीत) / संसारय्
 जुयो चवंगु उथलपुथलया खाँ काकां उत्साहित याय्गु मतिं
 चवया द्यूगु चिनाख्य

जनताको साहित्य बुलेटिन ४
 सेप्टेम्बर, अक्टोबर १९७६
 हुतिहाराचकुचा मखु शार्दुल (वायु) थें आँधीबेरी हैम्हा पंछी
 जुयमः धाय्गु सन्देश

हक्कनं “चिंकांगसान” थ्यंबले

सुपाँय चव्य् थ्यंक वानेगु, जिगु न्हपानिसेया इच्छा
 हक्कनं जि थ्यंक वयधुन यक्व तापाक निसें
 भीगु पुलांगु किल्ला चिकांसान पर्व गय्ता ।
 पुलांगु ‘लु’ फुक्कं न्हगु जुय धुंकल,
 क्व भांगं म्ये हाल, इखुंचा लय्तायो ब्वयो जुल
 खुसी कलकल न्हयाडः च्वन उखें थुखें
 लाँपु गुँयाच्वय्थंक नागबेली कायो च्वन
 हवाड्याङ्गची छगूथाय् पुले धुनेवं
 मछिंगु थाय् ग्व गनां हे खाने मरु ॥

घोडाल, धाकु फय् वयोच्वन
 मनूतय्गु थाय् बाय् छचाखेरं
 ह्यांगु ध्वाय॑ फरफर ब्वयोच्वन
 मिखाफूति याय्मलाकं हे विडवान ३८ दाँ ।

तःब्यागु सर्गया मिला भीसं थिए फः
 तःजगु समुद्रया काब्ल्या भीसं लाय फः
 विजय उत्सवया म्ये लयतातां हालः
 लसता डाय्केता वयमानी स्व
 धात्यें छं साहस जक याडः स्व
 थाकुगु धाय्गु छुनं मरु थ्व संसारे !!

(चीनया हुनान व क्याङ्सी प्रान्तमा लिक्क छगू तः जगु
 लोहसिया नां या पर्वत दः। माओ त्से तुड नं २० सेप्टेम्बर
 १९२७ सय् दक्कले न्हापां लाल इलाका द्यक्गु थाय् खः।
 प्रतिक्रियावादी सरकारं त्याके मफगु थुगु पर्वतय् १९६५ पाखे
 वय्क थ्यंबले चवयो द्यूगु चिनाख्यां भावानुवाद)

हेरमानकाजी

+ चन्द्रबहादुर उलक

हेरमान काजीया काय् म्हयाय पिनि,
डि.भी. धा:गु लाकलः हँ;
थःगु देय् त्वःता कतः देय् येका,
अमिका धा:थाय् च्वंन हँ ।

लय्लय् तातां मुसु मुसु न्हिलाः,
लसतां पूजानं डायेकल हँ;
हेरमान काजीया क्वस्वःगु ग्वाय् नं
आःला न्ह्याबले थस्वल हँ ।

म्हिगःतकथःगु न्ह्याबले माःगु
देयनं वयातक्वह्यन हँ;
नाता-नीताथःथिति सकले
वयागु मिखाय् चीधन हँ ।

काय्-म्हयाय् निम्हं अमिकन जूगुलिं
जात नं थःगु थकाल हँ;
पपू छुयी म्वायेक व्याःवने दयेक

कतःया भूमी वने दत हँ ।

आकाश पाताल तापाक्क च्वंसां,
काय् म्हयाय् सकले नापं हँ;
ख्वाः नं स्वये दु, दुःख सुख व्यये दु,
इन्टरनेट्या जमाना हँ ।

अय्सां हाय् ! मफूत छुयाये,
लासाय् हेरमान रवतुल हँ;
मदीक वैगु दमया ल्वचं,
छुकलं वला रवाराचिन हँ ।

थुसु थुसु थुसु थुसु मोस नं वल,
छातिनं घ्यार घ्यार च्वनावल हँ;
क्वालः छप्ति दायेका बिइपिं
सुं छम्ह कुरुवाथनमदु हँ ।

थःच्वन वारि काय् म्हयाय् पारि,
बौ स्वयातःधं डलर हँ;
घिति घितिच्वंका नेपाः देय् लुमंका
हेरमानकाजी मन्त हँ ।

अःभीसं राजनीतियाय् म्वलहँ

+ उकेश कवां

शिक्षा वा स्वास्थ्य कम्पनिता जिम्मा
बुँ फुकक जमिन्दारतय्ता जिम्मा
कल-करखाना फुकक विदेशी तय्ता जिम्मा
भ्रष्टाचारी-बेइमानी कर्मचारीया प्रमोशन
थःम्हा मनू कमाइ दइगु थाय् थासय्
भीसं अः छाय् राजनीति यायगु ?
समाजवाद थव हे खः हँ शासक तय्सं
ए शासक दलया नेता पुं
धात्थेगु छमिगु समाजवाद थवहेला ?
छाती लाहा तयो जनता तय्ता थुइकब्यू !
मखुसा जनता छप्पा जुयो दड वै ॥

समृद्ध नेपाल सुखी नेपाली

विकासया नारा थवयक थवयकं
थःगु हे कम्पनिया डोजर छ्यल
थःम्हा हे ठेकेदारके गिट्री, फि कायो
दांक न्याडागु दुनेया बुँयाता
छुं हे मुआब्जा बिय् म्वायक
ज्या साडः नै पुं ज्यापु ज्यामिया
नुगः स्यैला ल्हवक काय्थै
कतया बुँ सितिकं कायो
थःता पोस याय्गु छमिगु नीति
थवहे खःला छमिगु
समृद्ध नेपाल वा सुखी नेपालीया मन्त्र ॥

माकर्सया लंपु

● पुण्यराम कविः

मथुंका जःग निस्वाने फैमखु
 मपंका लःबु दनिमखु
 पुलांगु लकसया गर्भे हे
 न्हगु युगया पुसां हाँ कया:
 ईः नापां विचाः हिलावनीग
 छगु भलसा
 समाजवादया ॥१॥

समाजवाद
 शोषण मदयकीगुया वाःस
 तर जातया पुसाः हवला
 विषया सिमाचुली जायका:
 मनूनं मनू तःकेंकगुया
 छगु षड्यन्त्र
 उदारवादया ॥२॥

माकर्सया लंपुइ
 डॉविया किपा जुसां
 डेगन लोमंका
 छातिन न्हतुन्हया
 न्हेकेगु
 छगु कुतः
 पूँजिवादया ॥३॥

माकर्सवाद
 तः घेरा छाति दुगु सर्ग (आकाश)
 चर्खुं वर्खुं फुककथैं स्वतन्त्र ब्बडगु
 थाय्
 थन, बाजया हे राज यायत
 स्वतन्त्रता सः कयकुँकीगु
 छगु ग्वसा :
 सामाज्यवादया ॥४॥

चेनताया मी पुसा :
 आजुया लूपुई आन्दोलन,
 हाबलासा चें ज्वेमा
 तर, चिचाधंगु स्वार्थ्य तक्यंका:
 पंगः व पःखा जुया इनेगु
 छगु न्हगु चाल
 अवसरवादया ॥५॥

भोतया इलय्

● कृष्णकुमारी महर्जन

थौं मोहनी नखः न मखु
 अथेसां, मोहनी स्वयानं कम मखु
 थौं जिगु मिहचाय् द्वलंद्व धिबा नं दु
 नेपामित लयलय् ताया भवय नया: च्वंगु दु
 थौं भोत क्वफ्वायगु दिं
 जि लय् लय् ताया भवय नया:
 मिहचाय् जायक धिबा तया:
 भोत कुकागु द्वा।
 नेतात जिगु छें वल
 छ्यों क्वछुका निपाल्हा पेपुंका
 ज्वज्वलपा धाधां भोत फ्वैवल
 जिं छ्यों फस्वका
 अलेजिगु मिहचाय् नेता जिं
 द्वलंद्व धिबा तया: बिल
 भवे नयत इनाप नं यात
 उकिं
 जि भवय् नया भोत तया
 आ थौं भोत वियागु दच्छी मदुनि
 लं तः ब्याके माल धकाः
 जिगु छें थुनाहल
 जि ख्वया: हालाः विन्ति यानाः
 जिगु छें थुइमते धकाः
 कन्हे वा धाधां नेता फस्वया वन।
 कन्हे नं धाः बलय् धाः थाय् जिवना
 नेताया छें न विन्ति यावना
 नेतानं तम्वया छ सु धया हल
 आ छ गुब्लें वयमते धकाः
 खापा ध्याम्म तिना हल
 उब्ले हैं जि भवय नया भोत वियागु
 भस्सभस लुमंना वल।
 लच्छी हे मरनि जि बुइँ च्वैं वनागु
 आ हाकनं देशय् समृद्धिया नारां
 जिगु बुइँ रद्गशाला दयकेगु सुचं वल
 छें नं मरम्ह बुँ नं मरम्ह
 जि थःगु देशय् हे कतः जुइगु जुल।
 द्वलंद्व धिबा कया भवय् नया भोत कुकागु
 थौं जि पश्चातापया गालय लात।

खप नगरपालिकाया ज्या भवः त

पुर्खा दयक तकगु सम्पदात म्वाक तथ्मः

२०७५ मंसिर १५ गते ।

ख्वप नगरपालिका प्रमुख सुनिल प्रजापति जुं ख्वपयाता
“इटालीया रोमथे चवंग् ख्वप दे” धाइगु खाँ ख्वप ९ वडाया
वाकुपति नारां द्योथाय् दय्कगु चतुर्मास बाखं कानेगु ज्या
क्वचःगु ज्याइवः सं धायो द्यूगु खः । वयकनं पुर्खा दयक
तकगु सम्पदात म्वाक तय्फःसा संसारय् ख्वप दे या थःगु हे
पहिचान दैगु जुगुलिं थाकालिपुं बाज्या पिनिगु अनुभव न्यड
न्हगुपुस्ता तय्सं बः बियो ज्यासांसा न्हयाथिन्योगू ज्या नं. पुवांके
फै । खुइदा (६० वर्ष) फुकानं उत्साहित जुयो भीगु सम्पदा
म्वाक तय्या लागिं अले लुँपोलहँ चिय्गु ज्याखय् मनकवसाय्क
ज्यासड वयोच्चवंपु जेष्ठ नागरिक पिन्ता सम्मानयासे थुजागु ज्या
खाँ लिपा लैं च्वया आखः थे जडगु खाँ नं कडदिल ।

थुगु ज्या इवः स वडाध्यक्ष पुं रविन्द्र ज्याख्वः (९)
महेन्द्र खायमली (८) नपां संस्कतिविद् ओम धौभारीजनं थः ग



खाँ तयो द्यूगु खः । थुगु पूण्य ज्याखय् अःतक ६२ गु लाख दाँ
जनस्तरं ग्वाहाली याय् धुंकगु दः । थव ज्या इव न्हयाकंतु च्वंगु
खाँ उपभोक्ता समितिया नायो आशाकाजी प्रजापति जुं उगु ज्या
इवसं सभापतिया न्वचया इलय् कड दयगु खः ।

जनतां गवाहली ब्यगलिं भिग सम्पदा संरक्षण जग

२०७५ मंसीर १६ गते ।

ਖਵਪ ਨਗਰਪਾਲਿਕਾਧਾ ਪ੍ਰਮੁਖ ਸੁਨਿਲ ਪ੍ਰਯਾਪਤਿਜੁ
ਭਨਪਾ ਵਡਾ ਨ. ੩ ਧਾ ਬਾਰਾਹੀ ਦ੍ਰਿਥਾਧ ਚਵਾਂਗੁ ਭੁਜੁ ਫਲਚਾ
ਨਿਸ਼ਵਾਡ ਦਿਲ ਉਪਭੋਕਤਾ ਸਮਿਤਿਆ ਨਾਧੋ ਰਾਮਸੁਨਦਰ
ਖਾਤਾਖੋਧਾ ਸਭਾਪਤਿਤਵਖਧ ਜਗ ਉਗ ਜਧਾਇਵ: ਖਧ ਮੇਧਰ



प्रजापतिज्ञु खवप नगरपालिकां ताडु च्वंगु सम्पदात मालेगु,
ल्यंदगु सम्पदा लहवनेगु, म्वाक तय्‌गु ज्या याडु वयोच्वंगु
अजगु ज्याख्य् ठेककापट्टा मब्युसिं उपभोक्ता समिति दय्क
ज्यासाडु वयो च्वंगुलि जनतां यक्व र्वाहाली ब्यूगुलिं
भीगु सम्पदा संरक्षण जुइगुली विश्वस्त जूगु खाँ कडु
दयग खः ।

ਖਵਪ ਦੇਯਾਤਾ ਤਸਕਂ ਬਾਂਲਾਗੁ ਦੇਨਪਾਂ ਸ਼ਾਰਿਰੀਕ
ਤਨਦੁਰਘਟੀਆ ਨਿਤਿਾਂ ਕਾਸਾ ਮਿਹਤਕੇਗੁ ਨਪਾਂ ਫਿਟਨੇਸ਼ ਸਾਮਗ੍ਰੀਤ
ਥਾਧੁ ਥਾਸਥੁ ਤਥੁਗੁ ਵਿਵਸਥਾ ਯਾਡੁ ਚਵਡਾਗੁ ਧਾਯੋ ਦਿਸੈਂ ਖਵਪ
ਨਗਰਪਾਲਿਕਾ ਪਾਖੋ ਮੇਗੁ ਨਗਰਪਾਲਿਕਾਯਾ ਜਨਪ੍ਰਤਿਨਿਧਿਪਿਸ਼ਾਂ
ਸਥਕ ਵਧਮਾਲਿਗੁ ਥਾਧਕਾਥੁ ਵਿਕਾਸ ਯਾਧਗੁ ਬਚੁ ਵਿਧੋਦਿਲੁ ।

उगु ज्या इवः स ३ वडाया वडाध्यक्ष राजकृष्ण
गोरा, नपा सदस्य सुनिल अवालजु पिसंनं न्वचु वियो
द्यूगु जुल ।

પુર્ખાડિ દયક તકગુ સમ્પત્તિં ન્હગુ પુસ્તાયાગુ સેવા યાડ ચવડાગુ

૨૦૭૫ મંસીર ૧૬ ગતે

ખ્વપ નગરપાલિકાયા પ્રમુખ સુનિલ પ્રજાપતિજું હનુમાનઘાટ (ખોહેં) ય નિરીક્ષણ નપાં હનુમાનઘાટ રામાયણ ભજનયા ૩૨ ગુ બુદિયા જ્યાઇવ: ઉલેગુ જ્યાખ્ય પવિત્ર વ ધાર્મિક તિર્થસ્થળ હનુમાનઘાટ પરિસરયા ગુરુયોજના દયક ચવડાગુ, ઉગુ જ્યાખ્ય નગરબાસીતય્યા ગ્રયસુલાગુ ગવાહાલી મદયક મગાગુલિં નગરબાસીત સચેત જ્યામઃગુ ખ્વાં બ્યાકદિલ ।

ભીગુ થઃગુ પહ: તાનિગુ જ્યા મયાસિં પુર્ખા દયક તકગુ સમ્પત્તિં ન્હગુ પુસ્તાયાગુ સેવા યાડ ચવંગુલિં ભીસં મેપું સ્વયો ફરકધંગં જ્યાસાનેમઃગુ ખ્વાં ધાયોદિલ । ફોહર થાસય્ મુનેગુ વા ફોહરતા ગથેયાડ ઉપચાર યાયગુ ધાયગુ વિષય અધ્યયન યાડ ચવડાગુ વ સરસફાઈ વા સમ્પદા મ્વાક તય્યગુ ભીગુ કર્તવ્ય ખ: દક સચેત યાડ દિલ । ઉગુ જ્યા ઇવ: સ વડા ન. ૭ યા વડાધ્યક્ષ ઉકેશ કવાંજું નં. ન્વચુ તયો દ્યૂગુ ખ:સા

સભાપતિ બલરામ પ્રજાપતિ સંગીતકાર બદ્રીનારાયણ તાસ્રાકાર વ પુજારી કવિતા શર્માનં. થ:ગુ નગ: ખ્વાં પ્વંક દ્યૂગુ ખ: ।

અથેહે શુખુનુહે બોદેવસાઈન (ક્ષેત્ર ૪) નપાયા પ્રમુખ અતેશ સિંહ યાદવ નપાં ખ્વપ નપા પ્રમુખ સુનિલ પ્રજાપતિ વ ઉપપ્રમુખ રજની જોશી જું નાપ લાડ શિશુ સ્યાહાર કેન્દ્રનિસેં ખ્વપ કલેજ, ઇન્જિનિયરિઝાગ કલેજ ચાયક ચવડાગુ નપાં યોજના દયક પર્યટન વિકાસ નપાં મેમેગુ વિકાસયા જ્યાઇવ: ન્હયાક ચવડાગુ ખ્વાં બ્યાકદિલ । પ્રમુખ પ્રજાપતિજું પારદર્શિતા નપાં જિમિતા ધેબા સ્વયો વિશ્વવિદ્યાલય સંચચાલનયા સ્વીકૃતિ બિયમ:ગુ દેશ એન.જિ.ઓ.આઈએનજિઓયા લાહાતય લાડ સ્યડ ચવંગુ ધાયો દ્યૂગુ ખ્વાં સ્વીકાર યાસે બોદેવસાઈનયા પ્રમુખ યાદવજું થ:ગુ જિલ્લાયા સમસ્યા કાડ દીસે શિક્ષા, સમ્પદા, સ્વાસ્થ્ય, સરસફાઇયા વિષય છિક પિકે સયક વયાગુ ધાયોદિલ । ઉગુ ખુલ્લાબલ્લા જ્યાઇવખ્ય વડાધ્યક્ષપું નં ઉપસ્થિતિ દ:ગુ જુલ ।

વિદેશી સહયોગ મખુ જનશ્રમદાન દેમગુ

૨૦૭૫ મંસીર ૨૪

ખ્વપ નગરપાલિકા પ્રમુખ સુનિલ પ્રજાપતિ, વડા ન. ૯ યા વડાધ્યક્ષ રવિન્દ્ર જ્યાખ્વ: દ યા મહેન્દ્ર ખાયમલી લગાયતયા મહાનુભાવ પિસં તુમુચો દિગુરેસ્થિત ડિપ બોરિડ, બેચી બોડ્ગ, ખ્વપ બહુદેશીય ભવન નિરીક્ષણ યાડ દિલ । વહે ઇવલય્ પ્રમુખ પ્રજાપતિજુ ઉપપ્રમુખ રજની જોશી, કાર્યકારી અધિકૃત રોહિતરાજ પોખરેલજુ પિસં (૫૫ ઇયાલ) ડયડાપા ઇયો દરબાર વ ભૈલદ્યોયા દેગ: નિરીક્ષણ યાડદિલ ।

અથેહે હનુમાનઘાટયા ફલ્વા નિસ્વાનેગુ ઇવ:લય્ વિદેશી સહયોગ મખુ જનશ્રમદાન જનતાયા ગવાહાલી દતથ:સા ભીગુ થાયબાય્ સમ્પદા મ્વાડચવનિગુ જુગુલિં છપલા છપલા યાડ હચ્ચિલય્ મ:ગુ ખ્વાં કડ દિલ ।

૭ વડાધ્યક્ષ ઉકેશ કવાંજુંન. નુવાડ દ્યૂગુ ઉગુ જ્યાઇવખે ૩ લાખ ૭૫ હજાર ૫૧૭ તકાદાં ચન્દા દયધુંકગુ વ હકનં ૩ લાખ ૬૮ હજાર ૩૨૧ તકાદાં ચન્દા વિયગુ કવ છ્યુગુ ખ: ।

સ્વયમ્સેવક સામાજિક કાર્યકર્તા હે કન્હે રાજનીતિક કાર્યકર્તા

૨૦૭૫ મંસીર ૧૯

“મહિલા સ્વાસ્થ્ય સ્વયમ્સેવિકાયા સેવા, સ્વસ્થ સમૃદ્ધ રાષ્ટ્ર નિર્માણમા ટેવા” ધાયગુ નારા જ્વડ જનસ્વાસ્થ્ય કેન્દ્ર ખ્વપનં ગવસ: ગવગુ ૧૫ કવગુ “સ્વયમ્સેવક દિવસ” કવચાલ । ઉગુ જ્યાઇવ:સ ખ્વપ નગરપાલિકાયા પ્રમુખ સુનિલ પ્રજાપતિજું સમાજયા સમસ્યા બ્યાકક થું સ્વયમ્સેવક સામાજિક કાર્યકર્તા ખ: । કન્હે અપું હે રાજનીતિક કાર્યકર્તા જુયો સમાજયા નિંતિ જ્યા સાનેમઃગુ ખ્વાં બ્યાક દિલ ।

નગરપાલિકા હચ્ચિલચ્વંગુ દ: । સમાજયા કવત્યાક ચવંપુ ગરિબ જનતાય્યા સેવા યાયગુ ભીગુ મૂ આજુ જુયમઃગુ ખ્વાં પ્રમુખ પ્રજાપતિજુ ધાયોદિલ ।

વડા ન. ૯ યા વડાધ્યક્ષ રવિન્દ્ર જ્યાખ્વ, જનસ્વાસ્થ્ય કેન્દ્રયા ઇન્વાર્જ રતસુન્દર લાસિવ, કાર્યપાલિકા સદસ્યપું સુનિતા અવાલ વા છોરીમેયા સુજખુ, મહિલા સ્વયમ્સેવિકા અધ્યક્ષ તારદેવી ધન્ઢા, જમુના કાફ્લે, કમલકેશરી શિલ્પકાર વ. રચના સુવાલજુ પિસં ન. થ:ગુ નગ: ખ્વાં પ્વંકે દ્યૂગુ ખ: । ઉગુ જ્યાઇવ: ખ્વાં સ્વયમ્સેવિકા લક્ષ્મીકેશરી તુઈતુઈ, રહનશીલા ગવાછા વ સરોજ અવાલ પિન્તા ધેવા (નગદ) નપાં દસિપૌ લ: લહાગુ જુલ ।

वकिल पिंसं जनताया स्तर अनुसारं ज्या सानेमःगु

२०७५ मंसीर २० गते

नेपाल मजदुर किसान पार्टीया सचिव (छ्याङ्गे) एवं सांसद प्रेम सुवाल व ख्वप नगरपालिकाया प्रमुख सुनिल प्रजापतिजुं नेपाल इञ्जिनियरिङ्ग परिषद्या नायो डिल्लीरमन निरौलानपां नपालाड थी थी विषय छलफल याड दिल ।

अथेहे कानून अध्ययन समाज ख्वप कचाया र्वसालय्



ज्यूगु लेखापढी व्यवशायी तथारी कक्षा क्वचाय्कगु इवलय् ख्वप नगरप्रमुख प्रजापतिजुं नैतिकतानपां स्वापु दःगु थुगु व्यवसायया वकिल पिंसं जनताया स्तर अनुसारं ज्या सानेमःगु व समाज हज्याकेगु व भ्रष्टाचार मद्यकेगुलिं लगेजुयमःगु खाँ धायोदिल । थीथी वकिल पासापिन्सं नुगः खाँ प्वंकेगु उगु ज्याइवःसं प्रमुख प्रजापतिजुं प्रशिक्षार्थी पिन्ता मतिनाया चिं नपां दसिपौ नं लःल्हाड दयूगु खः ।

बालापुं मनूत राजनीति खं तापाक्क वानेमज्यु

२०७५ मंसीर २१ गते

ख्वप नगरपालिका प्रमुख सुनिल प्रजापतिजुं नगरपालिका दुने ज्या सानिपुं इञ्जिनियरपुं नपां नपालाड सहाबल्हा याड दिल ।

थ्वहे दिनसं ज्यूगु लैंगिक हिंसा विरुद्धया १६ न्हूयंकया राष्ट्रिय अभियान ज्याइवः नगरपालिकाया सभाकक्ष क्वचाय्कगु ज्या इवःख्य् प्रमुख प्रजापतिजुं प्रमाणपत्र स्वयो व्यवहारिक ज्ञान, सीप व तालिम दयमःगु नपां बालापुं मनूत राजनीति खं तापाक्क वांसा गुण्डा तस्कर तयसं राजनीति लाहातय् काइगु

जुगुलिं शोषित पिडित तयगु पक्ष ख्य् नुवाय्मःगु आवश्यकता न्हिथाड दिल ।

उगूहे ज्या इवःलय् न्यायिक समितिया संयोजक, उपमेयर रजनी जोशीजुं न्यायिक संरचनाया विषय नपां भीगुनपा न्यायिक विधिखय् नं. हःने लागु खाँ काड दिल ।

उगु ज्या इवःसं, अधिवक्ता अनिता जधारी, महिला बालबालिका व समाज कल्याण समितिया नकिं रोशनमैया सुवाल, कार्यपालिका सदस्य कृष्णलक्ष्मी दुवाल नपां बडा नं. ३ या बडाध्यक्ष राजकृष्ण गोराजुनं नुगः खाँ प्वंकगु जुल ।



कम्युनिष्ट आन्दोलनयाता बद्नाम यायता नवकली कम्युनिष्ट हःचिङ्कःगु



२०७५ मंसीर २२

नेपाल भाषा साहित्य तःमुञ्ज्या मूगुथि व इदगु नेपाल भाषा साहित्य तःमुञ्ज्याया ग्वसालय् जूगु सम्हय बजी व साँस्कृतिक प्रतियोगिताख्यक त्याक द्यूपुं पुचः नपां न्हदै च्यालीसं व्वती कायो द्यूपुं थीथी भजन, दाफा, प्याख व बाजा पुचः तयता मतिनाया चिं नपां सिरपालः ल्हायगु ज्याइवः खय् नेमकिपाया नायो हानेबहम्हा नेता नारायणमान विजुकछेजुं कम्युनिष्ट आन्दोलनयाता बदनाम यायता नवकली कम्युनिष्ट हःचिङ्कःगु खाँ कडदिल । अः सरकारय् च्वड च्वंपु नेकपा धःपु नं. नवकली ख्वःपा प्योच्वंपु कम्युनिष्टत खः । विदेशीतयगु धर्म प्रचार याइगु संस्था व गैससया मुञ्ज्या ग्वसः ग्वयो जुइम्हा सरकार गये कम्युनिष्ट जुई धायो द्यूसें च्वयच्वय्या कर्मचारीत नियुक्ति, सर्वा-बढुवा यायता मन्त्री, प्रधानमन्त्री तयसं यक्वयक्व धेबाकायो मिले याइगु वा विदेशी

धेबां चले जूगुलिं छपला छपला यायां दे कतया लाहातय् लःवांगु खाँ वयकलं ब्याकक दिल ।

नेमकिपा सचिव एवं साँसद प्रेम सुवालजुं दांक भिंक, बालाक मेडिकल कलेज चायकेता सल्लाधारीया १०८ पि बुँ ख्वप नगरपालिकाता वियता सरकारया छाय् कपःस्याता जक न्हसः तयो दिल ।

अथेहे नेमकिपाया केन्द्रीय दुजः व ख्वप नगरपालिकाया प्रमुख सुनिल प्रजापतिजुं नेपालभाषा साहित्य तःमुञ्ज्या जनताया चेतना वियगुलि तथांगु ग्वाहाली याड व्योच्वंगु दः । संघीय सरकार इलय् हे स्थानीय तह यायगु अधिकार व दायित्वया विषयलय् ऐन द्यक्स्थानीय निकाययाता निकास वियमःगु खः । ख्वप सरकलया कलेज देशादेशीया विद्यार्थीपित दांक बालागु शिक्षा वियो ग्वाहालीयाड च्वंगु खाँ काडदिल ।

अथेहे ३ नं प्रदेश सभाया सांसद सुरेन्द्रराज गोसाईजुं छुहे ज्या याय् मफम्हा लाचार सरकार बुँव्याचा थेजक जुयोच्वंगु व थःहे जक नयगु गुटबन्दीखं दाच्छीयक गुन्हीपुन्हीया ख्याल थें जक जुयो च्वंगु खाँ काडदिल ।

प्रदेश सभाया मेम्हा सांसद सैजुज्युं सरकारय् च्वंपु शासक तयसं थःगु हे स्वार्थजक स्वयो ज्या सानिगु जूगुलिं जनतातय्या निंतिं छुं हे ज्या याय्मफयो च्वंगु खाँ न्हिथाड दिल ।

उजगु ज्या इवः नेपाल भाषा साहित्य तःमुञ्ज्याया मुगुथिया नायो चन्द्रबहादुर उलकया नायोलय् जूगु खः । गुगु ज्याइवः खय् ग्वसाखलःया नायो नरेश खत्री जुनं नुगः खाँ प्वंकदयगु खः ।



